

# **REFERAT PNA - Paamiuni Najukkami Ataatsimiititaliaq d. 20-05-2020**

**Mødedato** Onsdag d. 20. maj 2020 kl. 20:15

**Mødested** Kommuunip ataatsimiittarfiani

# Indholdsfortegnelse

Saqqaa.....	3
Nalunaarutit.....	4
Ukioq 2020-mut aningaasanik atuisimaneq pillugu killiffik.....	5
Oqaluffiup isaariaata eqqaaniittut eqqaassutissat.....	6
Naluttarfik.....	7
Tamalaat.....	8
Imaqarniliap akuerineqarnera.....	9

## **Punkt 1: Saqqaa**

### **Paamiuni Najukkamik Ataatsimiititaliaq:**

Siulittaasuugallartoq, Peter-Angunnguaq Mikaelen

Ilaasortaq, Jørgen Jakobsen

Ilaasortaq, Hermann Hegelund

Ilaasortaq, Jakob Thorsen

### **Beslutning**

Peter-Angunnguaq Mikaelen peqataangilaq, arpatitsigami.

## **Punkt 2: Nalunaarutit**

### **A. Tulugarsuarni illuaraq.**

Ajoraluartumik illuaraq tulugarsuarniitoq ikuallanneqarsimavoq. Tamannalu ilimagineqarpoq sisamanngorneq 7 maj 2020 unnuaa pisimassasoq. Maannakkuugallartoq misissorneqarpoq kiap ikuallatsissimassaneraa.

Illuaraq nunguilluni ikkuallassimavoq.

### **Beslutning**

2A: Ajuusaarnaraluaqisoq, tusaatissatut tiguneqarpoq.

### **Punkt 3: Ukioq 2020-mut aningaasanik atuisimaneq pillugu killiffik.**

Ukioq 2020-mut aningaasaliissutaasut kr. 350.000.- ipput. Aningaasalliissutaasut ulloq 13. maj 2020 killiffiat imatut isikkoqarpoq.

Atugassat:	Atuisimaneq:	Killiffik:
Kr. 350.000.-	32.200,15	+317.799,85

Balance anisissinnaangikkallarpoq, aningaasanilli atuisimanermi nassuiaatissat ukuupput:

Illuaqqamik pisineq 15.000.- Mittarfiup tungaanut ilaqtariit ataatsimuualaaqatigiittarfissaannut.

Musikvideoliassamut tapiineq kr. 12.000.-

Issiaviit 10-it bestulerneqarput, 50.000kr nalinganut. Akiligassaq sulii tiguneqanngimmat sulii akilerneqanngillat.

### **Beslutning**

Tusaatissatut tiguneqarpoq

## **Punkt 4: Oqaluffiup isaariaata eqqaaniittut eqqaassutissat.**

Peter Møller, ulloq 11. maj 2020 e-mailikkut allagaqarpoq, siunnersuutigalugu oqaluffiup isaariaata eqqaaniittut eqqaassutissat aserfallassimasut iluarsartuunnissaannut Najukkamik Ataatsimiititaliaq suliaqartitsissinnaanersoq.

### **Beslutning**

Ilagiit sinnisaat siullertut saaffigineqarnissaat kissaatigineqarpoq. Ilagiit sinniisaat pisariaqartitsissagunik Najukkamik Ataatsimiititaliaq saaffigisinnaavaat.

Ilaqutaasut akisussaaffigaat iliviititik aserfallatsaalinissaat.

## **Punkt 5: Naluttarfik.**

Naluttarfittarniarneq pillugu, sunngiffimmi immikkoortotaqarfimmiit allakkat 12. maj 2020 ullulerneqarsimasut tiguneqarput.

Allakkat imarisaa:

" Ukioq manna, 26,02, immikkoortotaqarfipput Peqqinneq Susasaqartitsivillu, isumasioqatigiippugut innuttaasunut sullissinitsinni, timersornermut susasaqartitsinermullu tunngasunik ukioq manna suliniutaasinnaasunik misissugassanillu pingaarnersiuissalluta. Taamatut pingaarnersiuinissaq ukiumoortumik, maanna ukiut aappassaa ingerlapparput, oqallinneq, nalilersuineq, immikkoortotaqarfimmi sulisunit tamanit peqataaffigineqartoq, siorna isumaqatigiissutigisimasanik tunngaveqarluni.

Suliniutaasinnaasunut ilanngullugu taaneqarnikuuvoq Paamiuni naluattarfittaarnissaq, tamatumalu ukioq manna oqallisiginerani paasivarput Najukkamik Ataatsimiititaliamit aammattaaq isuma taanna saqqummiunneqarnikuusimasoq.

Ukioq manna isumaqatigiissutigineqarpoq Najukkamik Ataatsimiititaq paasiniaaviginiarlugu, ukuninnga:

- Saqqummiussamut tunngatillugu pilersaarutaasinnaasut qanoq ingerlanersut.
- Naluttarfittaarnissap tunngavissaqarluarnissaata misissornissaani suleqatigiissinnaaneq, pilersinniagaq annertussammat, sanaartornermut aningaasartuutit kisiisa eqqarsaatiginagit, aallartissagunili aamma ingerlatsinermi aningaasartuutissanut eqqarsaatigalugit.
- Isummat nalilersoriarlugit periarfissaqarsinnaanersoq Najukkamik Ataatsimiititaq immikkoortotaqarfipput suleqatigalugu pilersaarutit periarfissanillu misissuinerit ingerlatseriarnissaanut.

Suleqatigiissinnaanissaq pissangagalugu tutsiunnissarsi utaqqimaassavarput"

## **Beslutning**

Najukkamik Ataatsimiititaliap suliarisimasaa "Tamakkiisumik Paamiut pillugu pilersaarussiaq / helhedsplan for Paamiut" innersuunneqarpoq. Annertunerusumik sukumiinerusumillu pilersaarummik peqanngilaq. Kisianni kissaatiginarpoq pioreersut eqqarsaatigalugit, anginngitsunnguamilluunniit timersortarfimmut atasumik pilersitsisoqarsinnaanera. Igalaaginnavimmik qulisamik.

## **Punkt 8: Tamalaat**

### **Beslutning**

Hermann Hegelund atornikueerniarfimmur alakkaalluni, atornikueerniarfiup affaliani terissanik amerlasuunik naammattuuisimavoq. Kissaatigivaa illoqarfimmur appakaatinnginnerani toqorartinnissaat.

## **Punkt 9: Imaqarniliap akuerineqarnera**

### **Paamiuni Najukkamik Ataatsimiititaliaq:**

Siulittaasuugallartoq, Peter-Angunnguaq Mikaelen (Arpatitsigami peqataanngilaq)

Ilaasortaq, Jørgen Jakobsen

Ilaasortaq, Hermann Hegelund

Ilaasortaq, Jakob Thorsen